



**Corpus Juris Canonici**

**Gregor <XIII., Papst>**

**Coloniae Munatianæ, 1665**

Ea De Qvibvs Lectorem Principio Visvm Est Admonere. Hæc Sunt.

---

[urn:nbn:de:hbz:466:1-62915](#)



# EA DE QVIBVS LE- CTOREM PRINCIPIO VISVM EST ADMO-

NERE,

HÆC SUNT.

**I**N Ecclesia Romana; omnium Ecclesiarum magistra, solitos esse asservari Conciliorum canones, Pontificum decreta, ac cæteris Ecclesiis communicari, planè compertum est. ¶ Atque in usu præcipue videtur fuisse collectio illa, quam Nicol. Papa in c. si Romanorum. dist. 19. Codicem canonum nominat: in quo continebantur canonæ & regulæ illæ, quæ recensentur à Leone IV. cap. de libellis. dist. 20. Hujus codicis tria manuscripta exemplaria Romæ habentur in Vaticana bibliotheca. Extat etiam impressus Moguntiæ Anno Salutis M. D. XXV. Repertus est autem in vetustissimo Cardinalis Vercellensis codice Cresconii ad Episcopum Liberimum, quidam quasi nomocanon: in quo, cum pluribus causarum titulis propositis, exponatur deinde, quibus synodorum, ac Decretalium Epistolarum locis causæ illæ tractentur, capita capitibus Moguntini codicis, & numeri numeris optime respondent. Quæ quidem à Cresconio adhibitæ diligentia satis indicat frequentissimum fuisse hujus collectionis usum: & hæc ea est, quæ in notationibus, quæ nunc eduntur, absolute codex Canonum vocatur. ¶ Cæterum inter privatos collectores, qui multo plura congerere studierunt, perantiquus est Isidorus: cuius collectio protenditur à canonibus Apostolorum usque ad concilium Hispanense secundum: habeturque in duobus codicibus Vaticanae bibliothecæ, & uno monasteri Dominici sanctæ Mariæ supra Minervam: extat autem impressa in editionibus Conciliorum, in antiquioribus quidem purior, in recentioribus autem multis aliis Conciliis, scriptisque admista. Isidorum hunc Igmarus Archiepiscopus Rhemensis in libro de Synodis celeberrimum illum Hispanensem fuisse affirmat, à quo testatur etiam Trittemius librum Decretorum esse conscriptum, ac certè multa verba, quæ in Præfatione hujus collectionis leguntur, sunt in libro quinto Ethymologiarum. In codice autem Dominicanae bibliothecæ initio Præfationis ita legitur: *Isidorus mercator servus Christi, lectori conservo suo, &c. nec multo secus in Vaticanis: quo loco in impressis est, Isidorus peccator servus Christi, &c.* ¶ Secutus deinde est (ut de iis primis, quorum opera typis excusa sunt, loquamur) *Burchardus, Vormaciensis Episcopus, Othonis III. & Henrici II. Bavari Imperatorum ætate: qui non ordinem temporum & provinciarum, ut Isidorus, sed rerum, & causarum sibi secundum putavit.* ¶ Isidem vestigiis institit non ita multo post Ivo, Carnotensis Episcopus: sed exorta interim Berengarii hæresi multa ad illam confutandam pertinentia addidit, ac multa etiam præterea ex Pandectis & Codice: dum de laicorum quoque officiis sibi agendum putat: quod Burchardo minus necessarium visum fuerat. ¶ Extant autem duo volumina. Iovonis nomine scripta; eandem

que habentia præfationem: quorum unum, quod *Pannormia*, alterius, quod ablo-  
lute Decretum inscribitur, quasi epitome quædam est. Verum in hoc eodem cam-  
po ali etiam gravissimi viri (quorum libri partim in publicis, partim in privatis bi-  
bliotheccis manuscripti habentur) *Cresconius*, *Anselmus*, *Deusdedit Cardinalis*, *Gregorius*  
*Presbyter*, qui volumen suum *Polycarpum* inscriptis, aliquæ nonnulli præclarè se exer-  
cuerunt, suamq; operam probaverunt. Novissimus istorum omnium, præter autho-  
rem *Pannormia* (nam is recentior fortasse est) *Gratianus* monachus Benedictinus non  
tantum decretis colligendis (quod superiores fecerant) operam dedit: sed Iwonis  
fortasse præfatione excitatus, eo potissimum incubuit, ut certis quæstionibus propo-  
sit is, quid in utramq; partem ex Canonibus qui inter se nonnunquam pugnare videban-  
tur, dici posset, ipse & afferret, & explicaret: omninoque eorum varietatem, quæ spe-  
ciem dissensionis habebat, ad concordiam revocaret. Ceterum in longo ac perdi-  
fici opere multa à parum æquis hominibus exagitabantur, nonnulla pii etiam & ve-  
recundi interdum desiderabant.

Quamobrem ne hujusce utilissimi & gravissimi Codicis vacillaret auctoritas,  
placuit primùm Pio IV. ac subinde Pio V. & Gregorio XIII. (apud quem etiam  
hujus perfecti operis, quemadmodum & aliarum maximarum rerum, laus fuit) ut illi  
corrigendo summa opera daretur, mendæ librariorum tollerentur: si qua etiam in re  
*Gratianus*, ut homo, minus vidisset, modestè notaretur, ipsaq; omnino capta suis au-  
toribus quam diligentissime restituerentur. Itaque & Roma Vaticana bibliothé-  
cā, & monasterii Dominicani supra Minervam, aliæq; non paucæ excusi sunt, & ex  
aliis urbibus atque regionibus invitati doctissimi homines, qui idem facerent (& si  
quid invenissent) quod ad hanc rem pertinet, ut sua pietate libenter communica-  
rent, atq; ad Pontificem mitterent. Qua diligentia illud factum est, ut cùm jam ma-  
gnam partem suum unicuiq; tributum sit, ac propterea intelligi plerunq; possit, quæ  
synodorum generalium, quæ summorum Pontificum, quæ provincialium concilio-  
rum, quæ Patrum decreta ac sententiæ, atq; inter hac, quæ sanctæ Romanæ sedi pro-  
batasint, quæ minimè, vix quisquam errare, atq; incerta pro certis sequi, certa vero  
pro incertis suspecta habere posthac queat.

Quod ad citationes auctorum pertinet, ubi error evidens erat, aut nonnulla  
*Gratiani* exemplaria cum veriore, atque ab aliis collectoribus allata citatione conser-  
tiebant, sublati falsis inscriptionibus verae sunt restitutæ: ubi vero, quamvis caput a-  
pud alium auctorem esset inventum, fieri tamen poterat ut illius quoque esset, quem  
*Gratianus* citaret (sunt enim haud raro decreta tralatitia, & sententiæ similes in bonis  
auctoribus) retenta *Gratiani* citatione, satis visum est locum, ubi hodie habeatur, in-  
dicare. Et quoniam interdum aut capitulis aliqua quidem pars illius auctoris est, qui  
citatur, aliqua vero minime, aut verba valde sunt mutata: Id quoque est indicatum,  
adscriptumque præterea in margine, quo loco idem caput in glossa Bibliorum ordi-  
naria, in libris Sententiarum, & apud cæteros collectores habeatur, eos præsertim,  
qui in hujus Operis emendatione magno usui fuerunt. Animadversum vero est,  
multa olim fuisse (quorum nonnulla hodie etiam habentur) homiliarum ex variis  
auctoribus collectorum volumina: quibus homiliis nomen auctoris aut non esset  
præpositum, aut etiam muratum: quod Decretorum collectoribus, qui fontes adire  
in illa librorum penuria plerunque non poterant, errandi interdum dederit occasio-  
nen. Sapè etiam *Gratianus* multas Patrum sententias simul colligit, atque in u-  
num caput concludit (quamvis in vulgatis Codicibus plerunque in diversa capita  
sint distractæ, sed ferè sine Rubrica) idque cùm facit, non ipsa proslus auctorum ver-  
ba affert, sed arbitratu suo mutat, addit, imminuit, summatim complectitur:  
quod

AD LECTOREM.

quod etiam Burchardus & Ivo faciunt, cùm citant hoc modo, ex dictis Augustini, ex dictis Hieronymi.

In emendando primum initia capitum ob usitatas doctorum citationes non sunt mutatae: sed ubi ab originali discrepabant, in margine aut in notatione est indicata germana lectio. Deinde hæc glossæ ipsius habita ratio est, ut nihil in textu sit mutatum, ubi mutatio ipsa impeditura erat, quod minus, quid sibi auctor glossæ voluisse, animadverte posset: sed eodem modo aut in margine, aut in notatione mendum est indicatum. Ubi verò hæc non obstabant, hæc ferè servata corrigendi ratio est: ut si videretur voluisse Gratianus auctorum, quos citaret, ipsa prorsus verba referre, ea ex ipso originali emendarentur, & interdum etiam, non levi proposita utilitate, aliquaque adderentur: nisi sic ubi vulgata lectio visa est melior, nam tunc illa retenta notatum est, quomodo originale ipsum habeat. Sin autem Gratianus non eadem prorsus verba afferre voluerat, sed aut in summam quandam ipse redigere, aut ab aliis redacta, ut ab auctore glossæ ordinariæ, ab Ivone & aliis collectoribus referre: tunc nihil ferè emendatum vel additum est, nisi forte Patris illius, unde collector accepit, restituta lectio magnam afferre visa esset utilitatem: multisque locis id notatum est, & verba ipsius originalis allata, ut Lector identidem in memoriam hujus adhibita cautionis revocaretur, & labore ad originalia adeundi levaretur. Quod si idem caput ex pluribus vicinis aliquibus Patris locis consequuntur (nam quæ multum distabant, satis plerunque fuit in margine indicare) adiectæ sunt in textu particula illæ & supra, & infra: sc. ubi seriem & nexus collectionis impeditura non erant: ubi verò Gratianus ipse loquitur, ex manuscriptis hujus libri exemplaribus pura germanaque lectio est restituta.

In codice Canonum capita, quæ ex Græcis synodis racitantur, sunt à Dionysio Exiguo in linguam Latinam converta: cuius Praefatio manuscriptis ipsius codicis exemplaribus præposita legitur. Isidorus autem partim hac ipsa Dionysii versione, quamquam raro, partim fortasse præsca illa, cuius mentionem in prefatione sua Dionysius facit, usus est aut integris, aut aliquantulum immutatis: partim etiam aliis, quæ tunc, ut ipsemnet Isidorus testatur, extabant, hodie, præterquā apud istos Decretorum collectores, non extant. Quocirca mirandum magnopere non est, si ceteri collectores, & omnium ferè postremus Gratianus, qui & Codicem illum canonum, & Isidori collectionem, & alias etiam habebant, eundem canonem non semper ex eadem versione recitent. Qua de re sàpè in notatiōibus Lector est admonitus, & ubi necessarium visum est, Graeca canonis verba cum versione nova sunt allata: idemq; in ceteris Patrum Græcorum sententiis factum est.

Denomine Paleæ sunt variae doctorum hominum sententiae. Multi ea capita, in quibus res inanes ac leves continerentur, hoc nomine appellari censuerunt: alii quasi *ratios*, id est, antiqua: alii quasi additiones quasdam, derivata, aut potius depravata voce ab adverbio *ratio*, id est, *rursum*, quo scriptores etiam Latini tempore Gratiani uterentur. Verum Ioannes Andreæ in additionibus ad Speculatorē, titulo de Disputationibus & allegationib. prope finem (quem Imola in Rubrica de verborum obligationibus, Alexandrinus in proemio Decretalium, Iason in Rubrica titulo de Actionibus, & alii sunt secuti) putat, quendam Protopaleam, quem Iason addit[Car]dinalem fuisse, collectioni Gratiani capita hæc adjunxit. Atque ut in tetam incerta aliquid elici conjectura possit, exponetur, quid in collatis exemplaribus observatum fuerit. In tribus, quæ sunt antiquissima, & videntur scripta paulo post Gratiani ætatem, paucissima ex hujusmodi capitibus habentur. In uno valde emendato sunt apposita in margine sine ulla nota, sed non omnia quæ in impressis: quamvis vicissim in illo additiones aliquæ sint, quæ in his non habentur. In alio literis perantiquis

AD LECTOREM.

descripto Paleæ ipsæ recentiori scriptura toti volumini præponuntur. In cæteris habentur aut omnes, aut pleræq; & partim quidem cum paleæ nomine, partim verò sine ullo à cæteris capitibus discrimine. Ex qua observatione illud videtur posse colligi, has paleas esse additiones non eodem tempore factas ad primam collectiōnem Gratiani, in margine primum adscriptas, ac nonnullas fortasse ab ipsomet Gratiano (ut sit) inter componendum, aut relegendum: quas deinde librariorum quidam omiserint, quidam in contextu posuerint, interdum conjunctè cum prioribus capitulo, interdum cum aliquo discrimine. Falsam verò esse illorum opinionem, qui eas contemnendas putant, ex eo constat, quod multæ & in Decretalibus, & apud vetustiores Gratiani collectores habentur: quod suis locis indicabitur.

In plerisq; vetustis hujus collectionis exemplaribus hæc tanquam inscriptio rubris literis posita est. *Concordia discordantium canonum*: addita in quibusdam dictione, *Incipit*, sine ulla Gratiani mentione. Verū in Vaticano illo vetustissimo, cui voluminis ipsius initio recentiori scriptura paleas esse præpositas, dictum est, ante ipsas paleas est hic titulus, *Decretum Gratiani monachi sancti Felicis Bononiensis, ordinis sancti Benedicti, compilatum in dicto monasterio, Anno Domini millesimo centesimo quinagesimo primo, tempore Eugenii Papæ tertii*: in aliis verò duobus codicibus, in extremo est, *Explicit Decretum compilatum à Gratiano monacho monasterii sancti Felicis de Bononia. In Chronicō, quod inscribitur, Pomæriū Ecclesiæ Ravennatis*, qui liber in Bibliotheca Vaticana servatur, hæc de Gratiano leguntur, *Anno Christi millesimo centesimo quinagesimo primo, Gratianus monachus de Clafsa civitate Tuscia natus, Decretum compositum apud Bononiam in monasterio sancti Felicis*. Idem testatur Hugutio, vetustissimus hujus codicis interpres, secunda, quæstione sexta, cap. post appellationem. & Vincentius in libro Historiarum bis, semel libro vigesimo tertio, capit. trigesimo primo, loquens de Isidoro: & iterum libro vigesimo quinto, cap. octuagesimo quarto, agens de Ivone, & aliis decretorum collectoribus: & sanctus Antonius part. tertia histor. titul. decimo octavo, capite sexto. Trittemius verò in libro de Scriptorib. Ecclesiasticis, Gratianum agnoscit hujus collectionis autorem; itemque in libro secundo de Viris illustribus ordinis sancti Benedicti: quo tamen loco addit (ipsam fortasse Operis inceptionem spectans) fuisse ab eo compositum Anno Domini millesimo centesimo vigesimo septimo. Hanc collectionem Innocentius tertius in epistola ad Archiepiscopum Compostellanum vocat corpus Decretorum. Ob has igitur auctoritates, & receptam apud omnes opinionem in prima hujus voluminis pagina pr: positus est titulus nomine Gratiani.

¶ Quod ad glossas pertinet, quæpios & catholicos auctores habuerunt, quæ in illis errata paulò majoris ponderis pro humani ingenii infirmitate obrepserunt, ea in margine sunt notata, & quid catholicè sentiendum sit, ostensum est. Hæ autem notæ, quibus asteriscus affixus est, necessariò posthac in omnibus impressionibus apponenda erunt.



INDEX